

文獻通考卷三百二十九

鄱 陽 馬 端 臨 貴 興 著

四裔考六

夜郎國

夜郎國

今夜郎播川犍為郡即其國

漢時西南夷君長以十數夜郎

最大在蜀郡徼外東接交趾西鄰滇國

今雲南郡滇國

其國鄰

牂牁江江廣數里出番禺城下

戰國時楚頃襄王遣將莊蹻從沅水伐夜郎軍

至且蘭椽船於岸而步戰既滅夜郎因留王滇池以且蘭有椽船牂牁處乃改其名為牂牁何繫船棧也番

禺即今南海郡城南江棧音弋其地多雨潦俗好巫禁忌寡畜產又無

蠶桑故最貧鉤町有桄榔木可以為麩百姓資之鉤町漢以

為縣屬牂牁郡鉤音鉅于反町音大鼎反武帝時唐蒙上書曰竊聞夜郎精

兵可得十餘萬浮船牂牁江出不意此制南越奇兵也

乃拜蒙為郎中遂見夜郎侯蒙厚賜諭以威德夜郎貪

漢繒帛以為漢道險終不能有也乃與蒙約還報乃以

為犍為郡今犍為陽安仁壽通義和義資陽皆其地發巴巴郡今通川等十

蜀卒蜀郡今蜀郡濛陽唐安臨治道自夔道指牂牁江

蜀人司馬相如亦言西夷邛笮可置郡今越儁帝使相

如往諭皆如南夷為置一郡尉十餘縣屬蜀郡當是時

巴蜀四郡

漢中廣漢巴郡今漢川巴川蜀川地也

通西南夷道戍轉相饒

古餉字

數歲道不通士罷餓離溼

罷音疲離遭也

死者甚眾夷又

數反發兵興擊耗費無功帝患之使公孫弘往視問焉

還言其不便時方築朔方據河逐胡弘因數言西南夷

為害

通西南夷大為損害

可且罷專力事匈奴上罷西夷獨置南

夷兩縣一都尉及元狩元年張騫言使大夏時見蜀布

邛竹杖問所從來曰從東南身毒國

即天竺也

可數千里得

蜀賈人市或聞邛西可二千里有身毒國於是乃令主

然于閒出西南夷往身毒國至滇道皆為昆明所閉

昆明

在今越嶲郡西南 莫能通身毒及南越反上使發南夷兵且蘭

君小邑乃與其眾反漢發巴蜀校尉擊破之遂平南夷

為牂牁郡 今涪川夜郎 義泉郡地 夜郎侯始倚南越越滅恐懼遂

入朝封為夜郎王昭帝始元中牂牁談指同竝等二十

四邑凡三萬餘人皆反 竝音伴談指同竝後 皆為縣屬漢牂牁郡 遣水衡都

尉發蜀郡犍為兵擊牂牁大破之後姑繒葉榆人復反

鉤町侯亡波率其人擊之有功漢立亡波為鉤町王至

成帝河平中夜郎王興與鉤町王禹漏臥侯俞 漏臥夷 邑名後

為縣屬 漢牂牁 更舉兵相攻牂牁太守請發兵誅興等漢以道

遠不可擊遣大中大夫張匡持節和解竝不從杜欽說

王鳳曰張匡和解蠻夷王侯王侯不從不憚國威其效

可見恐議者選更復守和解

選更怯懦不前之意選息竟反更人竟反

太守

察動靜有變迺以聞如此則復曠一時

曠空也一時三月言空廢一時

不早發兵

王侯得收獵其眾申固其謀黨助眾多各不勝忿

必相殄滅自知罪成狂犯守尉

言起狂悖之心而殺守尉

遠藏温暑

毒草之地雖有孫吳之將賁育之士若入水火往必焦

沒智勇俱亡所設施屯田備守之費不可勝量宜因其

罪惡未成未疑國家加誅陰敕旁郡守尉練士馬大司

農先調穀積要害處

調發也要害者在
我為要於敵為害

選任職太守往

以秋涼時入誅其王侯尤不軌者即以為不毛之地亡

用之人聖王不以勞中國

即猶若也不毛
言不生草木

宜罷郡放棄

其人絕其王侯勿復通如以先帝所立累代之功不可
隳壞亦宜因其萌芽早斷絕之反已成形然後師興則
萬姓被害矣鳳於是薦陳立為特柯太守至特柯迺從
吏數十人出行縣召興興將數千人往立數責因斷興
頭出曉其眾皆釋兵降興子邪務收餘兵迫脅旁二十
邑反立又擊平之公孫述時大姓龍傅尹董氏與郡功

曹謝邈保境爲漢乃遣使從番禺江奉貢

番禺江今南海郡

光

武嘉之並加褒賞桓帝時郡人尹政乃從汝南許慎應

奉受經書學成還鄉里教授自是南域始有學焉政官

至荊州刺史

後漢史云有女子浣於遯水有三節大竹流入足閒剖之得一男兒養之及長自立

爲夜郎侯以竹爲姓武帝元鼎中置牂牁郡夜郎侯迎

降天子賜其王印綬後遂殺之夷獠咸以竹王非血氣

所生甚重之求爲立後牂牁太守吳霸以聞天子乃封

其三子爲侯死配食其父按范曄所選乃引華陽國志

又按漢書其夜郎侯降封王不言殺成帝時猶謂之夜
郎王曄焉得云竹王被殺後封其子爲侯與班史全乖
角宜華陽國志爲怪詭也大抵范曄著述多稱詭
異若無他書可以辯正則因習纂錄不復刊革云
唐置費珍莊珍播郎牂夷等州其地北距兗州百五十

里東距辰州二千四百里南距交州一千五百里西距
昆明九百里無城郭散居村落土多霖雨稻粟皆再熟
無徭役將征戰乃屯聚刻木爲契其法劫盜者償其主
三倍殺人者出牛馬三十頭與其家以贖死疾病無醫
藥但擊銅砂羅以祀神風俗與東謝蠻同隋大業末首
領謝龍羽據其地勝兵數萬人唐末王建據西川由是
不通中國後唐天成二年牂牁清州刺史宋朝化等一
百五十人來朝孟知祥據蜀復不通朝貢宋乾德三年
平蜀五年知西南蕃南寧州蕃落使龍亮瑄等來貢詔

授以官開寶二年武才等一百四十人來貢八年三十
九部順化王子若廢等三百七十人來貢馬百六十四
丹砂千兩太平興國五年蕃王龍瓊瑯遣其子并諸州
蠻七百四十七人以方物名馬來貢自是至景德朝貢
不絕太宗召見其使詢以地理風俗譯對曰地去宜州
陸行四十五日土宜五穀多種秔稻以木弩射麋鹿充
食每三二百戶爲一州州有長殺人者不償死出家以
贖國王居有城郭無壁壘官府惟短垣光進說與前書
所記小異故并敘之上因令作本國歌舞一人吹瓢笙

如蚊蚋聲良久數十輩連袂宛轉而舞以足頓地爲節
詢其曲則名曰水曲其使十數輩從者千餘人皆蓬髮
面目黧黑狀如猿獠使者衣虎皮氈裘以虎尾插首爲
飾大中祥符以後頗爲寇鈔轉運使寇瑊調兵擊之夷
人寧息天聖以來訖於元符貢奉其首領龍氏於諸姓
爲最大世世襲職貢奉尤頻使者但衣布袍至假伶人
之衣入見蓋實貧陋所冀者恩賞而已賜以袍帶等物
至刺其數於臂故事蠻夷人貢雖交趾于闐之屬皆御
前殿見之獨此諸蕃見於後殿蓋卑之也諸蕃部族數

十獨龍方張石羅五姓最著號五姓蠻其後又有程氏
韋氏皆比附五姓故號西南七番云

滇

滇者漢時在夜郎之西靡莫之屬滇最大靡莫西南徼外蠻也滇音

顛始楚頃襄王使將軍莊躋躋即莊王之苗裔居略反將兵循江上

略巴黔以西巴國今清化始盛咸安符陽巴川南賓南浦是其地也黔則黔中躋至滇

池方三百里在今雲南郡其澤在西北水源深廣末更淺狹如倒流故曰滇池旁平地

肥饒數千里池旁之地以兵威定屬楚欲歸報會秦擊楚巴

黔中郡道塞不通因而以其眾王滇變服從其俗以長

之為其長帥也案史記及漢書皆云楚威王使莊躑略

巴黔以西至滇池欲歸會秦奪楚巴黔中郡因以其

眾王滇後十餘歲秦滅之又案楚自威王後懷王立三

十年至頃襄王之二十二年秦昭襄王遣兵攻楚取巫

黔中郡地後漢書則云頃襄王時莊豪王滇豪即躑也

若莊躑自威王時將兵略地屬秦昭巫黔中郡道塞不

還凡經五十二年豈得如此淹久或恐史記謬誤班生

因習便書范曄所記詳考為正又案莊躑王滇後十五

年頃襄王卒考烈王立二十五年幽王立十年王負芻

立五年而楚滅十五年而秦亡七十年何故云躑之王

滇後十餘歲而秦至武帝時滇王有眾數萬人元封二

亡斯又未之詳也

年發巴蜀兵臨滇滇王舉國降請置吏入朝於是以為

益州郡

今雲南郡

陽滇王王卬長復其人

武帝割牂牁越巂各數縣配之後數

年復并昆明地皆以屬之西南夷君長以百數獨夜郎滇受王卬滇

小邑也最寵焉後王莽篡位改漢制貶鉤町王爲侯蠻夷盡反莽遣平蠻將軍馮茂發巴蜀犍爲吏士賦取足於人以擊益州出入三年疾疫死者什七巴蜀騷動更遣寧始將軍廉丹大發天水隴西騎士廣漢蜀犍爲吏人十萬轉輸者合二十萬人擊之不能克而還公孫述據益土文齊爲太守亦固守拒述後漢初遣使朝謁建武十八年夷渠帥棟蠶與姑復葉榆楛棟連然滇池建伶昆明諸種反叛殺長吏

漢姑復縣屬越巂郡餘六縣並屬益州郡也並在今越巂

雲南郡地遣武威將軍劉尙等發廣漢犍爲蜀人及朱提夷

擊之尙軍遂渡瀘水入益州郡界

瀘水一名若水旄牛徼外經朱提至棘道

入江在今越嶲郡南時有瘴氣

羣夷聞大兵至皆棄壘奔走尙獲其羸

弱穀畜斬棟蠶帥凡首虜萬餘人諸夷悉平至蜀後主

建興二年諸葛孔明率眾南征四郡平之改益州郡爲

建寧分建寧永昌

今雲南郡也

爲雲南郡又分建寧牂牁爲

興古郡

亮至南中所戰皆捷孟獲者爲夷漢所服募生致之既得使觀於營陣之間問曰此軍何如獲

曰不知虛實故敗定易勝耳亮縱使更戰七縱七擒而亮猶遣獲獲止去曰公天威也南人不復反矣遂至滇

池南中平皆卽其渠率而用之或以諫亮亮曰若留外人卽留兵兵留卽無食一不易也夷新傷破父兄死喪

留外人而無兵者必成禍患二不易也又吏累有廢殺之罪自嫌釁重若留外人終不相信三不易也今欲使

汝不留兵不運糧而綱紀遂定夷漢相安故爾

邛都

邛都漢時自滇以北若長十數邛都最大今越嶲郡本其地自

夜郎滇邛都人皆椎髻左衽邑聚而居知耕田其外西

曰桐師以東北至葉榆葉榆澤名名為嶲昆明嶲即今越嶲郡昆明在西

南諸蠻所居地方數千里無君長辮髮隨畜遷徙無常武帝

開以為邛都縣屬越嶲郡無幾而地陷為汗澤因名為

邛池南人以為邛河其人後復反叛元鼎六年漢兵自

越嶲水伐平之嶲水源出今越嶲郡西南嶲山下其土地平原有稻田

俗多遊蕩而喜謳歌略與犍柯相類豪帥放縱難得制

御王莽時郡守牧根

牧根太守姓名

調邛人長貴以爲軍侯更

始三年長貴攻殺牧根自立爲邛穀王至光武因就封
之授越嶲太守邛綬後劉尚擊益州夷路由越嶲長貴
聞之卽聚兵欲襲尚尚掩長貴誅之徙其家屬於成都
安帝時永昌益州蜀郡夷並今雲南郡皆叛眾十餘萬破壞
二十餘縣益州刺史張喬乃遣從事楊竦將兵至葉榆
破之渠帥三十六種皆來降附竦因奏長吏姦滑侵犯
蠻夷者九十人皆滅死論